

新鄉縣續志

新鄉縣續志序

古今著作如林而莫難於史竭數十年徵文考獻之功以成一代之典章文物誠運會所關非偶然也曠觀史冊以孟堅之才著漢書二十餘年而未就後經大家續之始克成帙故雖一邑之志亦具體史乘哀然而薈萃成書豈易易哉民國七年予以蓬萊下士攝篆斯邑聞前之蒞茲土者不乏賢才如玉晉笙以興學稱錢蔭齋以減糧著祝爽亭之黻亂汪雲芝之撫字卓卓循良難更僕數而於邑乘一書未覩成蹟自乾隆以來斯邑之流風善政遺文逸事付之荒烟斷碣中而無筆之於書傳之於世者然有傳人而無經濟則志續難成有經濟而乏人提倡則志續亦未必奏功此廬陵所謂成一代史書亦關運會也予緣公事軼掌同田君樾圃杜君信之朝夕籌畫樽節種種得款兩千餘緡擬爲修志需會香圃

田公自鄂中安陸郡解組歸來杜門十載著述等身今之龍門才也遂詳省長立案敦請膺志局之總纂綰筆削之全權並約乃弟樾圃杜君信之李君亦楓等邀集同人採訪分纂卽片雲碎錦悉加裁製搜輯三年之久始克成書時將付梓郵寄屬序每於梁園風雨之夕篝燈敬讀見夫以稽覈商之鄉先生以採輯託之學博士星野山川城社則因舊而不襲舊賦役風俗營建則因時而不倍時官師人物藝文則因人而不徇人至於搜遺編則典故重新辨體例則書法愈密從此以一代之文獻爲杞宋之足徵他日者輶軒採風其得所依據乎名曰續志巍然與舊志相輝映則珠聯璧合同壽天壤後之覽者亦將有感於斯文民國十二年春前署新鄉縣知事韓邦孚謹序

序

詩壇先賢伯玉公之後裔也自先七世祖諱樂公播遷南徙經數百載澤遠藐躬竟獲攝篆斯邑復覩桑梓之光重新先人祠宇凡一邑興廢皆與邦人士議然後行官民一體相安無事雖曰會逢其適非先賢之靈爽式憑曷克天緣湊巧若是哉詩壇未任之先山左韓公鶴亭有修志之舉敦請香圃田公獨管斯任操筆削權田公以名孝廉夙擅三長迭署鄂中鉅邑歸田十年不忘著作此日編纂成書必能激濁揚清爲邑矜式而其艷摘屈宋香薰班馬炳炳麟麟昭人耳目者猶其餘事予不唯爲斯志壽同金石慶乃幸鶴亭之能知人也夫邑之有志猶國之有史凡建置人物諸大端胥賴人文薈萃昭示來茲此邑志書自乾隆而後百八十年無人續修矧值滄桑之餘一切政治諸多改革苟不及時修葺異日

採風者輜軒所至而文獻湮墜無所諮詢不益茲劍晦鼎沈之慨乎刻以志將成立因經濟不足未壽棗梨予忝承斯乏職責所在豈忍聽此一簣之虧乃同父老紳商籌欸補助亟付剞劂用廣流傳是彙萃成書完鶴亭未完之志而故鄉河山人文故寔足以昭示千秋庶伯玉公在天之靈亦藉以少慰也夫是爲序民國十二年春署新鄉縣知事桐城璩詩壇謹識

序

竊謂邑之有志猶國之有史世家大族之有乘所以飭綱紀而樹軌範也古者輶軒採風辨鄉俗之淳澆以施政教胥於是乎賴志之所繫豈淺鮮哉本邑舊志創於明季清乾隆間知縣趙開元邑紳暢俊等修之蔭於幼學時曾一寓目年淹代遠原板之遺失甚多劍晦鼎沉續編之搜求誰屬時方役志功名宦遊湘鄂間且自慚孤陋亦無從問津焉辛亥以來中原多故遂浩然歸侍家兄讀書田舍每覽邑志悵然久之而知事劉青選車雲先後有志於斯尋以遷調不果庚申春鶴亭韓公以蓬萊名宿烏臨敝邑公餘披覽邑志銳意重修慨任集貲追蹤前烈因杜君信之商之家兄及李君亦峯設局蒐集兩年於茲補闕修殘舊志庶幾大備鉤心鬥角縣圖爲之一新闡百八十年之幽光紹三十四卷之墜緒蔭得

躬與其間藉竟數十年未竟之志何幸如之然而志之爲志體例謹嚴事貴乎實辭貴乎詳以道德爲依歸有善必錄以孝友爲綱領無義不搜他如儒林宦望之遺徽義行節烈之實錄以及賦役交通風俗物產凡有關於地方利害者均須博訪而周諮條分而縷晰非徒以侈文談廣記載也而遙遙百有餘歲文獻無徵區區三五同人見聞殊寡雖殫旁搜遠紹之力於兩年之間敢謂鐵網珊瑚竟無遺珠乎謹就採訪所得日侍家兄於楮墨間分別志傳都爲六卷亦姑以備輶軒之採耳若云飭綱紀而樹軌範未知其有當焉否耶民國十二年春邑人田蔭生謹序

序

自來功名富貴雖轟轟烈烈炫耀一時不轉瞬而卽同泡影惟先正事蹟著述其顯氣英光常留天壤縱歷千劫而不灰在唐中葉天寶播遷中原稱亂而吾家少陵躬丁其阨感時撫事思垂空文以自見如行在諸將垂老新婚麗人江頭等篇大抵皆憂時傷世之作而徵文紀實義例森嚴學者奉之爲詩史豈偶然事哉立心焉慕之吾邑志書自乾隆十二年經百八十載未曾續修其間人物建置諸大端僅付之街談巷議而無人徵諸文獻矧復民國肇造諸多改革苟任其廢墜採風者將何所賴乎然修志有三端一曰傳人二曰經濟三曰提倡三者未備恐難成書則修志豈易言哉已未春鶴亭韓公以山左名宿來令斯邑與斯文有沆瀣之契立同田君樾圃時爲接洽言及修志力肩斯任籌款備用敦請香

圖先生王任總編一舉而三善備雖曰人事豈非運會使然哉庚申三月開局編纂立與樾圃李君亦楓衛君紹希諸友共襄斯政閱三寒暑方脫稿而歛不濟會桐城璩公文衡攝斯邑篆慨允籌資俾付剞劂而立又有固陵之行間思此舉集腋固易成茲爲山恐虧一簣亟函諸君力促出版用廣流傳簿書餘暇聊綴數語豈敢追少陵之芳踪但使吾鄉風土民物得留聲光於翰墨間而不至淹沒斯則予之素願也是爲序中華民國十二年癸亥花朝杜常立序於固始公署

新鄉縣續志修輯職名

監修

署

新

鄉

縣

知

事韓邦孚

山東蓬萊人

署

新

鄉

縣

知

事璩詩壇

安徽桐城人

署

新

鄉

縣

知

事蔣濬川

京兆人

繪圖

生

員臧國瀚

邑人

劉春林

邑人

總編

記

名

道

尹

壬

午

舉

人田芸生

邑人

分編

丁

酉

拔

貢李雲杞

邑人

署宜陽縣知事省議員杜常立邑人

前湖南補用知縣附貢生田蔭生邑人

採訪

生員劉浚邑人

生員衛修齡邑人

生員孟登瀛邑人

生員王運昌邑人

廩生周其昌邑人

生員王得中邑人

生員趙金堂邑人

生員杜發孟邑人

生員楊金鐸邑人

生

員戚久順

邑人

生

員任可宗

邑人

生

員龔思進

邑人

生

員牛漢星

邑人

生

員尙錦章

邑人

廩

生茹耀德

邑人

生

員張星耀

邑人

廩

生郭錦林

邑人

生

員楊廷獻

邑人

廩

生趙鳳詔

邑人

生

員韓際達

邑人

拔

貢段鴻儒

邑人

副

貢趙一揆

邑人

廩

生傅清塏

邑人

武

昌

大

學

畢

業原興芳

邑人

高

小

校

畢

業李東榮

邑人

中

學

畢

業孟樂邵

邑人

法

政

畢

業杜發夏

邑人

高

小

校

畢

業張文獻

邑人

中

學

畢

業于法文

邑人

師

範

畢

業于百生

邑人

教

練

所

畢

業王永慶

邑人

甲

種

農

校

畢

業孟大本

邑人

高

小

校

畢

業郭冀階

邑人

中

學

畢

業南奉三

邑人

儒

童王安吉

邑人

儒

童彭泰昌

邑人

儒

童李得福

邑人

儒

童章來慶

邑人

凡例

一邑志自明萬歷間茹令鳴鉉創輯後歷經余令相盧令大謨米令壽圖續修今皆散失殆盡惟清乾隆間趙令開元所輯尙存而年久失修板多殘缺茲經搜求故家存書照補校刊始歸完備所謂舊志也此編卽續舊志而輯者閒有舊志未備亦追補之而體例則無大變更故名之曰續志

一郡縣志例列圖說舊志所列各圖大致詳矣此編又將縣境全圖請斬水熊築雲繪之以鐵路貫插其間也其山川景物足壯觀瞻者亦摹繪列圖補舊志所未備後之覽者庶藉資考鏡焉

一舊志沿革封爵星野形勝山川今皆無可續載謹撮其要以爲志畧遵史例也閱者參觀舊志庶知古今變遷之異

一舊志關梁郵傳附之利交通也今鐵路電綫交通尤便關梁不

足以括之謹易其名曰交通而仍以郵傳附

一舊志學校於文廟從祀諸先賢先儒均未分別詳載致多失考今特查照會典增入並分註名字及從祀年月以備考核

一名宦鄉賢忠義孝弟各祠木主羅列幼時曾及見之時局變遷祠祀久廢所有木主均貯之文昌閣上其散失與否不可考茲除舊志已載所有可考者仍續列之亦不忍古制淹沒之意也

一舊志職官選舉均列爲表今以年久其職官之籍貫任期選舉之年分名次多不可考礙難表列謹就所知者遵例志之其未知者姑闕俟考

一賦役代有增損沿革茲悉調查縣卷及碑碣可據者著於篇其有未得根據僅屬傳聞者概從闕如

一邑秉山川靈秀名儒碩學代有其人官斯土者又不乏名宿其